

靈寶頓教濟度金書卷之二百一 十四

洞微高士開光教苦真人寶金抄
靈寶通玄弘教水南先生林靈真編

科儀立成保命
早朝行道儀

燒香頌

各禮師存念如法

銜靈

青陽虛映 耀日回靈 神虎辟邪 飛天流鈴
摧姦滅試 萬魔束形 九微回道 八威攝精
千具校錄 三元蕩清 左彌中黃 右策六丁
七轉八合 周旋天經 聖化魏魏 三道順行
慶雲流布 合景黃庭 和與道合真

鳴法鼓二十四通
發爐

无上三天玄元始三炁太上道君召出臣等
身中三五功曹左右官使者侍香金童傳言
撒花玉女五帝直符直日香官各三十二人
出出者嚴裝關啓女壇天帝神君當召此間
土地里域真官正神急上開啓臣今奉為入

垂以今早朝陞壇行遠願得

玉清道炁靈寶妙光下降流入臣等身中即
使玄壇清淨內外成真天无氛穢地絕杖塵
琳瑯振響十方肅清萬魔不干真誠上徹令
臣所啓之誠速達徑御

太上无極大道至真玉皇上帝御前

請稱法位

具位臣某與臨壇官眾等謹同誠上啓

太上无極大道虛无自然元始天尊太上道
君太上老君昊天玉皇上帝勾陳天皇大帝
紫微太皇大帝后土皇地祇九天採訪真君
三洞四輔經籙高真三元三官大帝北極四
聖真君啓教宗師侍宸仙衆天符帝帥歲分
王神五瘟氣候行化威靈天瘟地瘟神君山
瘟家瘟神君并瘟竈瘟神君陽瘟陰瘟神君
五瘟部從隊伍神衆天曹主執五瘟神衆嶽
府主執五瘟神衆當境主執五瘟神衆今年
某季準天敕令行災主病一切神明本府本
縣城隍主者遠近廟觀權衡禍福聖衆虛空
鑒察看望隨喜聖衆臣聞虛无祖炁凝七部

之希夷空洞靈光煥三乘之微妙五千文道

敷於大赤四萬劫期秘於女青裁金騰躍鳳
之函鏤玉榮翔鸞之度紫微保衛碧落韞藏
自五行鬱勃於災氛故九有數羅於聖日帝
師啓上乘之秘仙真膺下教之奇玄黃藉以

權衡經緯由其主宰人天惠露今古慈雲臣
等緣際昌辰慶參道紀名聯玄域期參物外
之煙霞身涉埃樊徒老塵中之日月握瓊圖
而冰履抱瑤策以淵臨勵志立功庸報生成
之德矢心補過宜裨化育之仁凡有皈投敢
忘敷奏況奉詞旨敢不上聞

宣詞

按如詞旨備切忱恂齊主某稟杰一元陶形
四極荷二儀之覆載藉三景之照臨五賊內
攻罔悟陰陽之變六淫外襲遂干榮衛之常
扣著艾而弗神餌芝苓而莫聖伏牀彌日恐
上忤於天災村枕書空慮下延於地竊致引
家庭之乖忒或招閭里之殃符匪精持於龍
宸曷曲臻於鴻貺聿澄靈府躬考玄圖表崇
飛梵之壇仰扣虛无之座勤修齋法肆演經

科鳳聲鐘奏鈞天之廣樂鸞舞龍鼎陶大地之祥雲迎羽節於三天散香花於十界誠殫赤素惟首過之勤渠恩浹紫清諒降祥之香飭以今早朝陞壇行道請法眾等連茲初捨上香

願此香煙騰空徑上供養

无上至真道寶天尊臣等皈身皈神皈命首

體投地仰依

太上三尊十方眾聖願以是功德上祝

皇帝陛下伏願壽筭五山福澄八海垂衣御

宇華夷共戴於堯雲負屨承天朝野齊歡於

舜日內廷列忠良之彥外藩備文武之英帝

祚天長寶基地大今故燒香自皈依

師尊大聖眾至真之德得道之後保天長存

和與道合真

以今早朝陞壇行道請法眾等連茲二捨上

香

願此香煙騰空徑上供養

无上至真經寶天尊臣等皈身皈神皈命首

體投地仰依

太上三尊十方眾聖願以是功德皈流壽主其伏願百殃雲散萬福天來道氣扶搖煥陽光於庭戶德輝輝燁輝燁消陰冷於門闌莊穆崇不老之名寶桂衍連榮之慶潤身潤屋冥室宜家今故燒香自皈依

師尊大聖眾至真之德得道之後永保長生

和與道合真

以今早朝陞壇行道請法眾等連茲三捨上

香

願此香煙騰空徑上供養

无上至真師寶天尊臣等皈身皈神皈命首

體投地仰依

太上三尊十方眾聖願以是功德歸派普天

率土郡邑閭閻伏願化日舒遲玄風披拂門

迎喜氣歲時心樂於春臺家沸歡聲動靜身

躋於壽域珍一鄉之辰氣萬八表之祥光杖

魁攸潛山川咸若今故燒香自皈依

師尊大聖眾至真之德得道之後升入无形

和與道合真

禮方 懺方

三啓 三禮

重稱法位

具位臣某謹重誠上啓

三清上聖十極高真九天採訪真君三界內

外應感真靈天符帝帥歲分王神五瘟氣眼

一切威靈咸望洪慈俯回洞鑒臣聞三極未

分時幸彰於混沌九皇初御俗尚紀於鴻荒

天人均圓於道風幽顯咸陶於聖日治教純

厚化洽雍熙物無疵痛之災世絕札瘥之患

世變既降人偽斯彰道遠隱於虛玄華誕興

於寰宇杖煙四塞毒霧三凝乘陽民嘗愚之

繁肆陰鬼疫癘之虐非祈恩於藥關曷鎮福

於蓬居今竊主某以四大假合之身受五行

邪淫之系沉綿奇疾寒熱煎其精神困蹟沉

痲燥瀰瀰其經絡淪心首過深已省愆切慮

業生以來涉世之後六情縱恣三業紛紜虧

忠孝而敗綱常棄廉恥而乖仁義心無一善

身陷百非三元紀字於刑編五獄移名於罪

錄猶致陰陽之寇潛乘運限之衰憑茲懺懺

願垂曲赦恩綸風動教布令之威神德音星

馳勒承符之仙吏收氛於五藏除冷氣於百關飲食加常起居還舊歲功七十二候常轄鴻禧道系百千萬重來臻玄觀長幼熙熙而無災無害尊卑睦睦而多慶多祥瑞氣於門闌千秋永釋煥祥光於井落萬福雲臻庶融愛日之恩式慰望霓之切由中激越事上凌兢上願四杰朗清三靈昭晏天無氛穢地絕秋塵三九全而寒暑平物無疵癘五穀熟而人民育家有詩書息烽燧於三邊富耕桑於四野飛潛動植木樂生成山川鬼神均裨化育則上明天尊大慈之化下副巨等敕命之誠謹啓以聞

發念

- 一 念為道四大合德齋主七世父母克脫憂苦上昇天堂衣食自然
- 二 念帝王國主通化興隆庠序濟濟皇教恢弘威儀翼翼普天所瞻民稱太平四夷賓伏扶慈自滅賢聖日生
- 三 念法師功德大建教化明達俱獲飛仙

四 念同志學人早得仙道更相開度
五 念九親和睦好尚仁義貴道賤財行為物
範

六 念損己布施道士及飢寒者天下人民各
得其所

七 念端勤踐行一切眾生咸蒙成就

八 念救貫前生今世罪對立功補過

九 念家門隆盛宗廟有人世生賢才

十 念尊受師經不敢中怠平等一心廣度一
切克獲上仙白日登天拜見太上未成具
人雲車羽駕和與道合真

存神燒香

香官使者左右龍虎君侍香諸靈官常令臣
早朝行道之所自然生金液丹碧芝英百靈
眾真交會在此香火爐前令臣學道得道求
仙得仙齋主受福幽顯露恩十方仙童玉女
侍衛蘭煙傳臣向來所啓之誠速達徑御
太上無極大道至真玉皇上帝 仰前

出堂頌
引至暮

謝師

靈寶領教濟度金書卷之二百一